

盛明雜劇

三集

貳

吊

環

聖

弔琵琶

悔菴尤 侗著

呼韓邪求婚畫障 漢元帝嫁女胡沙
正目

王昭君夢回宮闕 蔡文姬泣弔琵琶

第一折

讀此劇竟
爲贈一絕
塚草千年
不妄青難
將莊語寄
優伶欲翻
列女匈奴
傳別立天

正旦扮昭君宮女抱琵琶上早信丹青巧重貨洛陽師千金買蟬鬢百萬寫蛾眉妾身王嬙小字昭君成都秭歸人也年方一十七歲父親王穰獻入漢宮宮女旣多不得常見詔使圖形召幸誰想畫

工毛延壽、問妾索取金銀、不曾與他、將妾容點破、
退居永巷、不覺三年、則這寂寂離宮、迢迢長夜、好
悶損人也阿、

仙呂入聲甘州真成薄命。寂寞離宮。又賦長門月。

明花落空留鶯語黃昏。玉堦翠輦無行跡。金屋羅
衫有淚痕。內作樂科呀一派樂聲、想又是西宮夜

飲也、隱隱鼓吹聞。何處君恩。妾在家時、頗曉音律、
彈得幾曲琵琶、當此夜坐無聊、試搗一曲、以遣悶
懷、則個、**做彈科**這琵琶呵、

混江龍三尺五寸。三才片合五行陳。香檀橫列。文梓縱分。渾不似臺上吹簫飛簡。壁渾不似江頭鼓瑟降湘君。渾不似當壚卓女。鳳凰操。渾不似渡河麗玉。箜篌引。一會家紅絃掩抑。素手續紛。

油葫蘆慢撚輕攏。續續勻。大絃急。小絃溫。梁州獲索更翻新。一聲呵。金戈鐵馬沙場震。一聲呵。暗風細雨紗窗潤。一聲呵。流鶯滑乳燕輕。一聲呵。孤鴻哀別鶴。恨聲聲。嫋嫋留餘韻。分明恩怨曲中論。正未扮。駕引內官。宮女提燈上五雲深。護帝王家凝。

碧池邊醉九霞。何處禁宮玉漏永。海棠花裏奏琵琶。寡人漢元帝是也。自從刷選宮娥。按圖巡幸。教人應接不暇。只怕有遺漏下的。埋冤煞官家薄倖也。今夜微行永巷。聽得琵琶之聲。甚是哀怨。小黃門。你問取何人。傳來見朕。內官傳科兀那彈琵琶的那位娘娘。速來接駕。旦趨前拜科臣妾願陛下萬歲。駕賜卿平身。卿可近前。待朕觀者。做觀科。是好一個美人也。

天下樂旦今夕何緣得奉君。纔呼萬歲也。平身帶。

淚痕喜孜孜。忙開笑靨迎。拂象牀。待君王。掃蛾眉。
朝至尊。早難道。隨例雖朝。不是恩。駕卿是誰家女。
子旦妾姓王。名嬀。字昭君。成都秭歸人氏。一十七
歲。納入後宮。今三年矣。

金盞兒 妾名是昭君。妾家在花村。香溪初浴凝脂。
嫩曉風吹入漢宮春。整日價金鋪寒翠。袖銀鑰鎖。
紅裙陛下呵。是憐才漢武帝。則妾呵。不是傾國李。
夫人。駕卿風流出衆。光彩射人。三十六宮。當推第
一。何故久不進御。旦妾初選時。畫工毛延壽索取

金銀因家貧未與、將妾眼下點成大破、以此收入冷宮、**駕**小黃門、取影圖來看、內官取圖上駕看科、果然如此、

一半兒

旦

丹青錯畫卷中身、始信嬋娟解誤人、白

璧微瑕一點痕、陛下試觀波、假和真、一半兒風流、

一半兒

蠡**駕**小黃門傳旨、將毛延壽斬首報來、昭

君冊封爲妃子者、**旦**拜科、謝了聖恩也、

後庭花

誰承望御牀前、拜受了鳳字文、還索向影

圖中補畫了蛾眉暈、斑竹上拂拭了湘妃淚、浣溪

邊勾抹了西子顰。駕妃子。今後休離了朕左右也。
旦宮裏會溫存。天顏常近。寵愛三千在一身。印綢
繆風月新。媾歡娛。雲雨親。解釋春風無限恨。駕妃
子。你把琵琶試彈一曲。與寡人聽咱。
旦下里之音。

恐污聖耳。
做彈科

青哥兒剛彈了離鸞離鸞小引。忽變做求凰求凰。
新本。往日個獨夜棖。棖空寫悶。今夜裏月色如銀。
南內無人。寶鼎香薰。翠幄生春。玉轉朱唇。鐵撥紅
筋。抵多少平陽歌舞錦袍恩。這就是四絃媒。千金

准。駕彈得好也。妃子今夜薦朕枕席，早則喜也。

賺尾

旦

喜結並頭緣。且脫孤眠運。穩護著蜂黃蝶

粉守宮。一夜猩紅褪。鮫綃帕點點君恩。別銷魂。香
在羅裙。但望陛下呵。秋風莫遣齊紈損。誓金釵並
分約銀環長進。則你楚襄王先試一峰雲。俱下。

楔子

冲末扮單于領蕃衆上。月明星稀。霜滿野。氍毹車夜
宿陰山下。虜酒千鍾不醉人。胡兒十歲能騎馬。管
乃天所立。呼韓邪大單于是也。論俺先世。本夏后

氏之苗裔、生居北方、逐水草而轉移、因射獵爲生、
業、太公畏我西去、平王懼我東遷、晉國請我講和、
趙家從我遺俗、俺祖公公冒頓、控弦三十萬、因高
帝於白登、因使劉敬和親、將公主嫁我、老上軍臣、
代爲漢婿、漢天子、我丈人家也、今皇帝新立、俺曾
遣人進貢、求公主爲闕氏、未知肯依否、當此秋高
馬肥、不免喚把都兒、每打圍一番、多少是好、衆應
得令做射獵科

仙呂端正好
曳刺的把拂廬鋪、肉屏踰打著菱珂

忍鐵立兒獵。唱道治夔離。窪勃辣駭毛和血。鷹兒
掣犬兒拽。笛兒叫鼓兒疊。哈哈俺向那荅兒捺。
鉢也鎖陀八。做坐地飲科淨扮毛延壽上。三十六
策走爲上策。如好好色。行乎夷狄。某乃毛延壽。誰
想漢主寵幸昭君。拿我加刑。俺一道烟溜了。喜得
昭君圖留下一本副稿。不曾點破。背來獻與匈奴。
三日三夜。走到此間。遠望圍場。想是單于出獵。不
免匍伏草間。則個。做跪科末。你是何人。淨臣乃漢
中大夫毛延壽。曾畫宮女王昭君。絕色無雙。前大

單于遣使求公主、臣請以昭君行、漢主不從、臣諫
曰、不可重女色、失和好、漢主大怒、將臣問罪、臣背
此美人圖、來獻大單于、望卽興師索取、昭君必至
矣、**末**取圖來看、**淨**獻圖**末**看科、世間有此美貌女
子、若得昭君爲閼氏、豈不快哉、卽今就差當戶、往
漢家打話去、一壁廂引弓粟馬、隨管入塞、毛延壽、
你可爲鄉導、左右、賞他打蠟酥者、**淨**飲謝恩科、

么末衆那顏兒、塞痕者、畫的薩那罕、似肉菩薩、天
生比妓、忽伶煞、倒喇滑、字知斜、酥字速、軟脂奢、哈

哈哈、俺待向踏裏彩。耍一會毛克刺。並舞下

第二折

駕引衆官上。秦時明月漢時關。萬里和戎去不還。
但使龍城飛將在。不教美女度陰山。寡人漢元帝。
自得昭君爲妃。朝歡暮樂。不料毛延壽懼罪逃胡。
呼韓邪按圖索女。文臣無謀。武將不戰。可憐漢天
子無計可施。將一位嬌娥。雙手送去。今日親排鑾
駕。餞別長亭。萬種離愁。十分慚愧。遠見妃子宮車。
早來到也。旦乘車上。

越調鬪鷁鶉。昨日個複道承恩。西宮火照鸞管新。
調蛾眉淡掃。楊柳風多。芙蓉帳小。今日裏辭了漢
朝。過了灞橋。早盼著回樂高峰。永別了咸陽古道。
駕見打悲科。妃子不是寡人割捨得你。只因匈奴
強大。漢室衰微。借你千金之軀。可保百年社稷。休
得埋怨寡人薄倖也。旦陛下你堂堂天子。不能庇
一婦人。今日作見女子。涕泣何益。

紫花兒序。可歎你無愁天子。小膽官家。薄倖兒曹。
枉涕泣女吳齊景。漫咨嗟娶舜唐堯。駕妃子。你豈

不知嫁女和親是先朝舊例。旦先朝金屋曾經貯
阿嬌。到如今長門難保。只拚取玉珥珠環。權告免
鐵馬金刀。衆臣等文武百官。叩送娘娘。願娘娘千
歲。旦生受你每了。

天淨紗可笑你圍白登急死蕭曹。走狼居嚇壞嫖
姚。但學得魏絳和我嫁楚腰。衆臣等有應制送娘
娘和番詩。恭進御覽。旦噤聲。虧殺你詩篇應詔賀
君王。枕席平遼。衆娘娘此去。保安漢家天下功勞
不小。